

Ушбу сонда:
ҚАНДАЙ МУАММОИНГИЗ
БОР, ТАДБИРКОР?

**ХУДУДЛАРДА ТИББИЙ ХИЗМАТ
СИФАТИ ПАСТ** **2**
БЕТ

**ХАЛҚНИНГ РОЗИЛИГИ
АСЛИ САОДАТ**

**ТОМ МАЪНОДА ХАЛҚАРО
ЭЪТИРОФ** **3**
БЕТ

**РОППА-РОСА
БИР ЙИЛДИРКИ,
ЙЎЛДАМАН...**

**“ЯЛТИЛЛАГАН
КИТОБ КЎП-У,
ЯЛТ ЭТГАНИ
КАМ”** **4**
БЕТ



Фарғона ҳақиқати

ФАРҒОНА ВИЛОЯТИ ҲОКИМЛИГИНИНГ БОШ НАШРИ

Ишни яхши
бошласанг —
ярмини
бajarдим деявер.
АФЛОТУН.

Сайтимизга ўтиш учун
QR кодни телефонингиз
орқали сканер қилинг



Газета 1917 йил 14 октябрдан чиқа бошлаган

@ farhaqiqat.uz

@farhaqiqati

2020 йил 11 ноябрь, чоршанба № 88 (24477)

Инвестицион лойиҳа:

«ЕВРО 4» ва «ЕВРО 5» дизель ёқилғиси ишлаб чиқарилади

Мамлакатимиз
нефть ва газ
саноати
тармоғидаги
ижобий
ўзгаришлар
Фарғона нефтни
қайта ишлаш
заводи келажак
га қатъий
ишонч билан
қарашга
асос бўлади



3 авод мамлакат
нефть саноати
тармоғида ўз
ўрни ва нуфузига
эга корхона
хисобланади.
1959 йилнинг 27 январида
АВТ-1 қурилмасининг ишга

туширилиши билан фаолиятини бошлаган мазкур заводда нефть хом ашёси чуқурлаштирилган тарзда қайта ишланиб, 70 га яқин турдаги маҳсулотлар ишлаб чиқарилмоқда.

Маълумки, Ўзбекистон Республикаси Вазирлар Маҳкамасининг 2020 йил 7 февралдаги «Фарғона нефтни қайта ишлаш заводини модернизация қилиш ва реконструкция қилиш

тўғрисида»ги қарори билан завод «Жиззах петролеум» МЧК ишончли бошқарувига ўтказилди, уни модернизация ва реконструкция қилиш лойиҳаси белгилаб берилди. Модернизация инвести-

цион лойиҳасининг умумий қиймати 300 миллион АҚШ доллари. Унга кўра, қайта қуриш ва модернизация ишлари уч йил давом этади. Бунинг натижасида «АИ-92» ва ундан юқори двигателли бензин ҳамда «Евро 5» экологик стандартдаги дизель ёқилғиси ишлаб чиқарилади. Заводнинг келажакдаги конфигурацияси таркибига гидрокрекинг комплекси, шу жумладан, модернизация қилинган ёқилғи ва мой агрегатларини ташкил этади. Бу эса нефтни қайта ишлаш жараёнининг чуқурлик даражасини 92 фоизгача эътиборга олиб қўйилган қийматга эга бўлган нефть маҳсулотлари салмоғини оширишга хизмат қилади. Авиация ва дизель ёқилғиси, шунингдек, асосий ва тижорат мойларини ишлаб чиқариш ортади. 2023 йилга келиб эса завод қувватидан фойдаланиш даражаси 2 миллион тоннага етади.

Фарғона нефтни қайта ишлаш заводини модернизация қилиш инвестицион лойиҳасини амалга ошириш доирасида ГДС (дизель ёқилғисини гидротозалаш) қурилмаси тантанали ишга

туширилди. — Бу қурилма «Евро 4» ва «Евро 5» дизель ёқилғиси ишлаб чиқаришни модернизациялашнинг биринчи босқичидир, — деди завод директори Ҳабиб Латипов. — Лойиҳа доирасида 1999 йилда фойдаланишга топширилган ГДС қурилмаси мавжуд катализаторини замонавий ва юқори самарадор бўлган катализаторларга алмаштириш мақсадида заводнинг ишончлик ҳамкори — Франциянинг «Ахенс» компанияси билан шартнома имзоланди. Қурилма «Тойо инжиниринг корпорейшн» (Япония) томонидан қурилган ва унинг лойиҳавий қуввати йилига 1 миллион 700 минг тоннадир. Албатта, ижобий ўзгаришлар заводда ишлаб чиқарилаётган «Евро 2» дизель ёқилғиси сифатини келгусида «Евро 4» ва «Евро 5» стандартлари талаблари даражасига ошириб, олтингургут чиқиндиларини камайитириш, экспорт имкониятларини кенгайтириш ва толинган операцияларнинг жозибadorлигини оширишга хизмат қилади.

Рустам
ОРИПОВ.

Кун жараёни



Тадбиркорлик ва бизнес академияси — экспортга кўмакдош

Фарғона шаҳрида Ўзбекистон экспортчилар уюшмаси ва вилоят ҳоқимлиги томонидан Тадбиркорлик ва бизнес академияси ташкил этилди.

Б угунги кунда ҳудудларда экспорт салоҳиятини кенгайтириш йўлида изчил чора-тадбирлар олиб борилмоқда. Хусусан, хорижда қишлоқ хўжалиги маҳсулотларига бўлган талаб ортиб, вилоятимиз экспорт бўйича мамлакатда етакчи ўринни эгаллайди. Бу борада Олтиариқ, Қува туманларида яхши тажриба бор. Сархил мевалар Россия, Хитой, Жанубий Корея каби давлатларга экспорт қилиняпти. Албатта, экспортчи корхона ва тадбиркорларга бу йўналишда кўмак бериш ҳам муҳим вазифалардан биридир.

«Тадбиркорлар уйи»да иш бошлаган мазкур академиянинг тантанали очилиш маросими бўлиб ўтди. Ўзбекистон экспортчилар уюшмаси раиси М.Умаров, вилоят ҳоқими ўринбосари М. Абдурахмонов мазкур маскан ёш тадбиркорларнинг билим ва малакасини ошириб, жаҳон бозорига Ўзбек маҳсулотларини олиб чиқишига хизмат қилишини таъкидлади.

Академияда маркетинг, менежмент, молиявий ҳисобот, логистика, брокерлик курслари бор. Хоналар замонавий ахборот технологиялари билан таъминланди. Бу ерда тадбиркорларни экспорт бўйича билим ва тушунча олиштириш учун барча имкониятлар яратилган. — Экспорт иқтисоднинг драйвери ҳисобланади, — дейди Ўзбекистон экспортчилар уюшмаси раиси Мухторжон Умаров. — Мазкур академиянинг ташкил этишдан асосий мақсад ёш тадбиркорларга экспорт борасида зарур илм бериш, рақамли иқтисодиётнинг мазмун-моҳиятини ўргатишдан иборатдир. Ўқув дастурлари жаҳон стандартлари талабларидан келиб чиққан ҳолда тузилади. Академиянинг тингловчилари асосан ёшлар бўлиб, бу ўзига хос экспорт ҳалқаси бўлади. Биринчи кундан бошлаб, улар экспортёр компанияларга боғлаб берилади ҳамда уюшма ёрдамида жаҳон электрон савдо тизимига уланади. Сотилаётган маҳсулотлардан улар иқтисодий манфаатдор ҳам бўлишади. Бу билан уларнинг бандлиги таъминланиб, даромад манбаи топишига ёрдам берган бўлаемиз.

Академиядаги ўқув жараёни жаҳон тажрибаси асосида ишлаб чиқилган ва энг замонавий тизим орқали ўргатилади. Кенг қамровли курслар рўйхати ва танлов имконияти мавжуд. Муҳими, биттирувчиларни сертификатлар ва курслар охирида максимал даражадаги иш билан таъминлайди. Хозирча у ерда 40 нафар талаба ўқиши мумкин. Талабдорлар ёш, бизнес муҳитидан хабардор ва чет тилларини билиши талаб этилади. Улар илк кунданок Хитойнинг йирик компанияси «Алибаба»да иш бошлайди. Шаҳар-туманлардаги тадбиркорлар билан очик мулоқот ўтказилиб, экспорт ва бошқа масалаларда фикрлашиб олинди.

Маъсуджон СУЛАЙМОНОВ.
Шерзод ҚОРАБОЕВ олган сурат.

Журналист СУРИШТИРУВИ

Айни пайтда Ёзёвон туманида 24 минг 314 та уй-жойлар мавжуд. Бугунги кунга қадар 10 минг 609 та хонадоннинг кадастр ҳужжати расмийлаштирилган ва давлат рўйхатидан ўтказилган. Демак, салкам 14 мингта уй-жойларнинг эгалли ҳуқуқи расмийлаштирилмаган. Биргина шу жиҳатнинг ўзи ҳам туманда бу борадаги ишлар бугунги кун талаблари асосида ташкил этилмаётганидан далолат беради.



бўлими бош инспектори Ислом Абдуллаев ҳамроҳлигида ҳудуддаги юзга яқин хонадонларда бўлиб, кадастр ҳужжати бор-йўқлиги билан қизиқдик. Маҳаллада янги уйга кўчиб ўтганга ўттиз йилдан ошган, ўтиб кетган отаси еки онасининг номига тахминий миқдорда солиқ тўлаб юрган ва ҳалигача кадастр ҳужжатини расмийлаштириш ёки ер ва мол-мулк солиқларини тўлаш борасида деярли ҳеч қандай тушунчага эга бўлмаган оилалар кўп эканлиги ачинарлидир.

Нурли келажак кўчасининг 103-уйида истиқомат қиладиган Аҳаджон Пўлатовлар оиласи мустақиллигимизнинг илк йилларида ушбу уйга кўчиб ўтган. Лекин уйнинг ҳалигача кадастр ҳужжати йўқ. Бундай мисол шунинг ўзи бўлса эди. Шу кўчада яшовчи Муҳаммаджон Ғофоров, Абдужаббор Тўхлиев, Ориф Қўчқоров, Раимберди Маҳмудов, Нурилло Хўжаниёзов сингари яна ўнлаб хонадон соҳиблари ҳалигача уйларининг эгалли ҳуқуқи — кадастр ҳужжатини расмийлаштирмай яшаяпти.

Навбахор кўчасининг 61-уйида яшовчи Карим Аҳмедовнинг кадастр ҳужжатини янгиламагани боис солиқларни ҳалигача марҳум онаси Ҳавобу Аҳмедова номига ўша эски қурилмалар учун тўлайди. Навбахор кўчасидаги Неймат Аҳмедов, Нўмон Қобилов, Мурод Тўхтасинов, Мурод Хуморов, Илҳом Абдиев, Ёқут Абдиева, Маҳмуджон Охунво, Маҳмуджон Раҳматов, Қўрғонча кўчасида истиқомат қилувчи Ҳаким Йўлдошев, Тўлқин Тошпўлатов, Абдувоҳид Раҳимов, Соёибхон Йўлдошев, Анвар Қўшақов, Икром Салимов, Рустам Қўзибоев, шунингдек, Боғи эрам, Обод диёр каби кўчаларда яшовчи кўплаб хонадон эгаллари кадастр ҳужжати қилдирмай яшаб келаётгани аниқланди.

Ваҳоланки, уларнинг уй-жойи неча йиллар аввал рўйхатга олиниши ҳамда баҳоланиши ва шу асосдагина ер, мол-мулк қочиб қўлини тўлаши шарт эмасмиди?!

Томорқасида иссиқхона, оилавий тадбиркорликни йўлга қўйган, замонавий автомашиналар миниб юрган бўлса-да, кадастр ҳужжати қилдиришга ҳафсала қилмаётган оилалар ҳам бор. Бу бир жиҳатдан қонунчиликда белгиланган солиқдан ҳам қочиб қўлини тўлаш.

Хуллас, битта маҳалла мисолида шунча муаммо. Агар бу рақамлар Ёзёвон тумани, вилоятимиз миқёсида кўпайтирилса, нечоғли улкан рақамлар келиб чиқишини тасаввур этиш қийин эмас. Демак, бу муаммо вилоят миқёсида аниқ тизим ва режа асосида бартаратқ этилиши учун ўз навбати кутиб турибди.

Биз бу мавзуга яна қайтаемиз.

Ботир
МАДИЕВОВ.

УЙИНГИЗНИНГ КАДАСТР ҲУЖЖАТИ БОРМИ?

Б итта хонадоннинг кадастр ҳужжати расмийлаштирилиши ҳисобига давлат бюджетига ўртача 1 миллион сўм солиқ маблағи жалб этиш мумкин. Тумандаги 14 мингга яқин уй-жойларнинг кадастр ҳужжатлари тайёрланиши эвазига бюджетга 13-14 миллиард сўм маблағ жалб этиш имкони бор.

Тўғри, бу маблағ бир туман ёки шаҳарнинг йиллик харажатлари сметасида ўнчалик катта рақам эмасдир. Аммо ҳалқимизнинг «Тома-тома кўл бўлур», деган ҳикматли мақолини унутмаслик лозим. Айниқса, ижтимоий-иқтисодий шароити оғирлиги учун «қизил худуд»да турган Ёзёвон тумани учун бу каби фойдаланилган келинаётган маблағ захираларини шакллантириш муҳим аҳамиятга эга.

Ёзёвон туман давлат солиқ инспекцияси маълумотларига қараганда, ҳозирги кунда туманда 25 минг 353 нафар маҳаллий солиқ — ер ва мол-мулк солиғи тўловчи жисмоний шахслар мавжуд. Мутасаддиларнинг таъкидлашича, уйнинг кадастр ҳужжати бўлмаган маълум миқдордаги хонадон эгалари ҳам солиқ базасига киритилган ҳамда ҳар йили улардан ҳам белгиланган тартибда маҳаллий солиқлар тўлиқ ундирилади.

Аммо Ёзёвон тумани кадастр бўлими раҳбари Дилмурод Раҳимов томонидан тақдим этилган рақамлар ушбу соҳада ҳали камчиликлар кўп эканлигини кўрсатади. Маълумотда қайд этилишича,

Ёзёвон тумани «Қўрғонча» МФЙ

Ўрганилган хонадонлар — **87** та

шундан:

кадастр ҳужжати **БОР** — **62%**

кадастр ҳужжати **ЙЎҚ** — **38%**

«Янгибўстон» МФЙ ҳудудида ўтказилган хатлов натижасида **58** та аҳоли хонадони, **2** та нотурар жой ҳамда **78** та бўш ер участкаларининг кадастр ҳужжатлари йўқлиги аниқланди. «Янгибод» МФЙда олиб борилган хатлов туфайли аввалги ҳолатга нисбатан кўнмас мулк объектлари сони **75** тага кўп эканлиги маълум бўлди. Шунингдек, **60** та аҳоли хонадони, **75** та турар жой ва **6** та нотурар жой объектлари бўйича кадастр ҳужжатлари расмийлаштирилмаганлиги фош этилди. Аслида бу каби салбий ҳолатларни тумanning исталган маҳалласида аниқлаш мумкин.

Президентимиз бир қатор чиқишларида кадастр идоралари фаолияти билан боғлиқ

коррупция, қонунбузарликларни кескин танқид қилган, соҳа фаолиятини замонавий мезонлар асосида ислоҳ қилиш борасида фармон ва қарорлар чиқарган эди. Афсуски, ҳозирча мазкур соҳа фаолиятида кутилган натижаларга эришилмади. Белгиланган вазифалар улкан, бунинг учун маълум бир вақт, кучли моддий-техник база кераклигини ҳам барчамиз яхши биламиз. Аммо вақт кўтиб турмайди. Шу боис муштарак мақсад йўлида фаолият кўламини ва ҳамкорликни ривожлантириш зарур.

Биз тумандаги мавжуд ҳолатни «Қўрғонча» МФЙ ҳудуди мисолида ўргандик. Маҳалла раиси Абдулҳамид Эҳсоновнинг маълум қилишича, 565 та хонадонда 3 минг 200 нафар аҳоли истиқомат қилади. Шу кун маҳалла раиси, туман кадастр бўлими мутахассиси Равшан Маҳмудов, туман ДСИнинг жисмоний шахсларга хизмат кўрсатиш

